

Profesionalismo y dedicacion base di éxito di Oficina di Turismo na Miami

ORANJESTAD - E noticia cu a sali publicá Diaranzon dia 6 di April 1994 den Bon Dia Aruba bao di e título "Oficina di Turismo na Miami ta funcioná debidamente?" a conduci na un reaccion di parti di Director di ATA (Aruba Tourism Authority) sr. Remigio Wever. Sr. Wever ta pidi pa un correccion di e artículo concerni cual peticion no por wordo honrá pa motibo di originalidad y falsifiabilidad (e berdad empírico experimenta riba un nivel personal) di e noticia y fuente cu a suministra redaccion cu e noticia.

E caso en breve ta relaciona cu e irritacion di un estudiante Arubiano riba e forma deficiente con su peticion (pa informacion riba algun aspecto di Aruba) a wordo atendé na Oficina di Turismo na Miami.

Relaciona cu e noticia ariba mencioná, e director di ATA ta comentá lo siguiente.


Wever ta laga sa cu Diaranzon último atrobe a sali un artículo tendencioso for di man di un miembro di redaccion na Bon Dia Aruba. Den e artículo aki e oficina na Miami ta wordo poné den luz negativo, sin base y atrobe sin tabatin e decencia di siquiera trata na haña e version di ATA (Oficina di Turismo).

Wever, kende a tuma contacto cu e hefe di e Oficina di Turismo na Miami, sra. Buckley, a manda un copia di e relato cu Buckley a suministré den e idioma Ingles. E relato aki ta describí e momentonan di contacto, comunicacion, combersacion y palabracion cu e estudiante concerni tabatin cu e Oficina y otro instancia.

Wever ta bisa cu e promé contacto tabata Diamars 5 di April pa 11.10 a.m. y no antes, manera ta wordo insinuá. Ningun momento e dia ey e estudiante concerni a wordo atendí pa un dama di habla Papiamentu. For di e artículo un persona cu no ta al tanto di e situacion facilmente por culpa e otro empleada Arubiana di e oficina na Miami. Un empleada di Oficina na Miami, por cierto riba Diaranzon 6 di April pa 10.50 a.m., a duna e estudiante concerni contesta profesional riba su preguntanan.


Wever a base di e datonan aki ta concluí cu e noticia cu a wordo publicá ta completamente for di lugar y ta un insulto pa nos Arubianonan trahando na Miami cu un profesionalismo y dedicacion cu ta e base pa e éxito di e oficina aki.

Na final di Wever su carta e ta pidi Bon Dia Aruba pa sucha e otro banda di medaya promé cu publicá insinuacionnan inhusto. □ESM



ARUBA YELLOW PAGES 94-95

IS BEING PREPARED.
MAKE SURE YOU WON'T BE LEFT OUT!



* 1993 ISSUE IS
NOW AVAILABLE
THROUGH SETAR

FINAL DAYS !!!

"WHERE PEOPLE SHOP WHEN THEY ARE READY TO BUY"

**CALL NOW
20485**

ONE OF OUR SALES PROFESSIONALS WILL
HANDLE YOUR ADVERTISING NEEDS NOW!



CARIBBEAN PUBLISHING CO. N.V.

GUYABASTRAAT 20-A, DAKOTA, FAX 20484

